

Paasissutissiissut nakorsaatit puuannut ilanngussaq

Klarigen® , sorlunnut seqataat, imerpalasoq, 1 mg/ml

Xylometazolinhydrochlorid

Paasissutissiissut una pingaarutilinnik imalik peqqissaartumik atuaruk.

Paasissutissiissuummi nakorsamit, nakorsaatilerisumit peqqinnissakkulluunniit sullissisumit allamit nassuiaatigineqartut tamatigut maleqqissaarlugit nakorsaat atortaruk.

- Paasissutissiissut kingorna atorfissaqartilersinnaagakku toqqussavat
- Allamik apeqqutissaqaruit nakorsaatilerisoq aperiuk
- Kingunerluuteqalissaguit matumaniluunniit allassimanngitsunik kingunerluuteqaleruit, nakorsaq, nakorsaatilerisoq peqqinnissakkulluunniit sullissisoq alla attavigiuk. Imm. 4 takuuk.
- Ajournerulissaguit ullulluunniit qulit ingerlaneranni pitsaanerulinngikkuit nakorsaq attavigiuk.

Nakorsaatinut ilanngullugu paasissutissiissut nutarterlaaq nittartakkami www.indlaegsseddel.dk -mi atuarneqarsinnaavoq.

Paasissutissiissutip imai

1. Sunniutai atorneqarfissaalu
2. Atulersinnagu ilisimasassat
3. Atorneqarnissaa
4. Kingunerluutit
5. Sumiitinnissaa
6. Imartussusaa paasissutissallu allat

1. Sunniutaat atorneqarfissaallu

Nakorsaatitaata xylometazolinhydrochlorid-ip sorlunni taqqanik tillertuunngitsunik ninititsisarpoq tamatuma assigiinngitsunik patsiseqartumik ameraasaq pullagunnaarsittarpaa qinngakkullu anersaartorniarnaq ajornaanerulersittarlugu. Minutsialuit qaangiunneranni sunniutissaaq nalunaaquttallu akunnerini aqqaneq marlunni sunniusimassalluni.

Nakorsaat nalinginnaasumik nualluni milinngatsinermi imal. kiinnami saanngit sulluaraasigut aseruuttoornermi sivikitsumik nakorsaanerme atorneqartarpoq.

Ajournerulissaguit ullulluunniit qulit ingerlaneranni pitsaanerulinngikkuit nakorsaq attavigiuk.

Nakorsap paasissutissiissuummi najoqqutassamit allaanerumik annertussusilerlugu nakorsaasiussimasinnaavaa. Nakorsap inassuteqaataa annertussusissaliinermullu maleruagassiaq nakorsaatip puuaniittoq tamatigut malittarissavat.

2. Klarigen atulersinnagu ilisimasassat

Klarigen nakorsaatigissanngilat

- Xylometazolinhydrochlorid akuisaluunniit (imm. 6-imi oqaatigineqartut) arlaat saperukku
- Isinni naqitsinerup qaffappallaarsimanagera paasineqarsimappat (grøn stær)
- Kakkilertanetaqanngitsumik annikitsuinnarmilluunniit kakkilertanertalimmik milinngatsiuartuuguit (rhinitis sicca)
- Qanittukkut sorlukkut qanikkulluunniit qaratsannik suliaritissimaguit.

Mianersoqqussutit

Klarigen atornialersinnagu nakorsaq, nakorsaatilerisoq peqqinnissakkulluunniit sullissisoq alla attavigeqqaaruk:

- nakorsaatini tartut uiguusa aammut aniatitaannut hormonimut assingusunik (sympatomimetika) sapigaqartaruit. Sinissaarussutaasinnaavoq, uissanngussutaasinnaavoq, sajulissutaasinnaavoq, uummat akuttoqatigiinngitsumik tillilersinnaavoq aalluunniit taqqanut naqitsinera qaffassinnaalluni
- Uummatikkut taqqatigullu nappaateqaruit
- Aappit taqqanut naqitsinera qaffasippat.
- Toqqusaanni qinersit hormonimik annertuallaamik aammut aniatitsippat (hyperthyreoidisme)
- Sukkortuuguit.
- Tartup uiguani horminiliortumik naasoqarsimaguit (fæokromocytom)
- Angutitit quup aqutaani qinerseq allisoorsimappat.

Klarigen atasuinnarmik ullut qulit sinnerlugit atorneqartariaqanngilaq. Sivisuallaamik atorlugu Klarigen sorlunnik milinngatsilersinnaavoq kakkilertalersitsinnaalluniluunniit.

Saniatigut allanik nakorsaateqaruit

Nikallunganermut nakorsaatit ilaannik sunniuteqarnertik tunngavigalugu immikkoortinneqartartunik ass. tri-/tetracykliske antidepressiva/MAO-hæmmere (monoaminoxidasehæmmere) atuereermermi sap. ak. marlunni nakorsaatip atornissaa innersuussutaanngilaq. Allanik nakorsaatitoruit qanittukkulluunniit nakorsaateqarsimaguit nakorsamut nakorsaatilerisumulluunniit tamatigut oqaatigisakkit.

Naartuneq, milutitsineq naartusinnaanerlu

Naartuguit, milutitsiguilluunniit, naartusoriguit imal. naartulernissat pilersaarutigigukku nakorsaat atulersinnagu nakorsaq nakorsaatilerisulluunniit siunersiussavatit. Naartunerup milutitsinerulluunniit nalaani nakorsaatip atornissaa innersuussutaanngilaq.

Angallannikkut- suliffimmilu isumannaallisaaneq

Nakorsaat eqqortumik atorlugu biilimik ingerlatsisinaaninnut sullivimmilu maskiinanik atuisinnaaninnut sunniuteqanngilaq.

Klarigen sorbitol-imik akoqarpoq

Sukkut arlaannik sapigaqarninnik nakorsap oqaluttuussimappatit nakorsaat atulersinnagu nakorsaq attavigiuk.

3. Klarigen ima atorneqassaaq

Nakorsaat matumani nassuiaatigineqartut eqqoqqissaarlugit imal. nakorsap, nakorsaatilerisup peqqinnissakkulluunniit sullissisup allap innersuussutaa tamatigut malittaruk. Nalorniguit nakorsaq, nakorsaatilerisut peqqinnissakkulluunniit sullissisut allat aperikkit.

Klarigen milinngatsisunut meeqqanut qulinik ukioqalereersunut inersimasunullu naatsorsuussaavoq.

Pisariaqartitsineq naapertorlugu sorluuit immikkut tamaasa ataasiarlugit, ullormut annerpaamik pingasoriarluni ullullu qulit sinnernagit seqqannissaat, annertussusissatut innersuussutaavoq.

Nakorsarnej sapinngisamik sivikinnerpaatinneqartariaqarpoq. Nualluummut ersiutit ameraasallu pullannera sivisuumik atuereermermi takkuteqqissinnaapput.

Nappaammut ersiutit pitsaanerulingipata


Nappaammut ersiutit taamaaginnarpata ajornerulerpataluunniit nakorsaq oqaluuguk.

Klarigen nakorsap ilinnut nakorsaasiuppagu nakorsap innersuussutaa tamatigut malittassavat. Nalorniguit nakorsaq nakorsaatilerisorluunniit aperiuuk.


Atornissaanut ilitsersuut:



Nakorsaat atulersinnagu kakkigit
Matua peeruk



Nakorsaatip puua naqqa kulluit nalaanut pisillugu
sorlunnullu mangussassap sinaa tikivit qiterlivillu
akornannut pisillugu najummiuk. Sorlunnut
mangussassap sinaata ammut naqinneragut
seqqatsinneqassaaq.



Nakorsaat atoqqaalerukku assigiaamik
seqqassinnaajumallutit pingasut arfinillillu
akornanni silannarmut seqqaaqarallassaait.

Sorlunnut mangutassartaa mangoriarlugu sorluillu illua
tikivit illuanik sakkukitsumik naqisimallugu ilummut
anersaarlutit seqqassaait. Tamatuma kingorna illua
taamatut seqqaguk.

MALUGINIARUK: nappaait tuniluuttut seqqattaatsip arlalinnit atorneraragut tuniluussinnaapput.

Klarigen ingasaassimagukku

Klarigen paasissutissiisumi matumani allassimasumit imal. nakorsap maleruaqqusaanit annertunerusoq atorsimagukku peqqiitsutullu misigiguit, nakorsaq, ajoqusersimasunut nakorsiartarfik nakorsaaterisorluunniit attavigiuk. Puua seqqataalluunniit nassaruk.

Annertuallaamik atuineq qitiusumik sianiuteqarfiup naqisimaneqarneranik, qasoqqanermik, panertoormik kiakkeqqajaanermik sianiuteqarfiit imminnut aquttut uummarissarneqarnerannik patsiseqartumik ersiuteqalernermik kinguneqarsinnaavoq (uummatip akuttoqatigiinngitsumik tillerululernera aallu taqqanut naqitsinerata qaffannera).

Klarigen puigorsimagukku

Seqqannissat puigorsimagukku eqqaaniarlugu seqqagit. Tulliani seqqannissat nallerpat puigukkat ilanngutissanngilat. Puigukkat ilanngullugu marloriaammik immiut nakorsassanngilat. Nalorniguit nakorsaq, nakorsaaterisoq peqqinnissakkulluunniit sullissisoq alla aperiuk.

4. Kingunerluutit

Nakorsaat nakorsaatit allatulli kingunerluuteqarpoq inuilli tamarmik kingunerluuteqartitsisanngillat.

Kingunerluutit nalinginnaasut: Nakorsartittuni qulini ataatsip pallittuni misigineqarsinnaasut sorluut toqquusaallu qasillersutut misinnarnerat

Kingunerluutit qaqtigoortut:

Nakorsartittuni 1.000-ini ataatsip pallittuni misigineqarsinnaasut

Niaqorlunneq, aap taqqanut naqitsinerata qaffannera, annilaanganeq, meriannuneq, uissannguneq, sinissaaleqineq uummaserinerlu, isigisat qaangiuteqqittumik akornuteqalernerat sapigaqarnermullu ersiutit timimut sunniuttut.

Kingunerluutininik Sundhedsstyrelsimut nalunaarutiginninneq

Kingunerluutininik malussaruit matumaniluunniit taaneqanngitsumik kingunerluuteqalissaguit, nakorsaq, peqqissaasoq nakorsaaterisorluunniit attavigiuk.

Illit ilaqquttalluunniit kingunerluutit pillugit toqqaannartumik Lægemedelstyrelsimut

www.meldenbivirkning.dk imal. Lægemedelstyrelsi Axel Heides Gade 1, 2300 København S allakkatigut nalinginnaasutigut attavigalugu nalunaaruteqarsinnaavusi.

Kingunerluutininik nalunaaruteqarnikkut nakorsaatip isumannaassusaanut paasissutissanik annertunerusunik pissarsinissamut ikiutissaatit.

5. Sumiitinnissaa

Nakorsaatip sumi inissisimanissaa pillugu immikkut ittunik piumasqaateqanngilaq.

Klarigen meeqqat inorsillugit inissinneqassaaq.

Klarigen-ip atorineqarsinnaaneranut killiliussaq (EXP) qaangiutereersimappat atorineqassanngilaq.

Atorineqarfissaanut killiliussaq puuani allassimasooq qaammat naareersimappat atorineqassanngilaq.

Nakorsaatit sinnerisa qanoq iliornissaat pillugu nakorsaaterisoq aperiuk.

Avatangiisit illersorniarlugit nakorsaatit sinnerinik kuuffimmut, anartarfimmut eqqaavimmulluunniit igitseqinak.

6. Poortat imartussusaat paasissutissallu allat

Klarigen-ip akui

- Nakorsaatitaa: ml. ataaseq xylometazolinhydrochlorid-imik 1 mg-imik akoqarpoq. Klarigen najuussineq ataaseq xylometazolinhydrochlorid-imik 140 mikrogr.-imik akoqarpoq
- Akui allat: dinatriumedetat, natriumdihydrogenphosphatdihydrat, dinatriumphosphatdodecahydrat, sorbitol imerlu sukuluiagaq.

Isikkui poortallu imartussusaat

Akimut ersitsoq qalipaateqanngitsoq puiaasaaqqamik plastikkimik maqittaatilimmik puulik. 10 ml minnerpaamik seqqannernik 63-inik imaqarpoq.

Imartussusaat: 1 x 10 ml, 2 x 10 ml, 3 x 10 ml, 4 x 10 ml, 5 x 10 ml

Annertussutsilli tamakkerlutik pissarsiassaanersut apeqqutaassaaq.

Nioqquteqarnissamut akuersissutilik tunisassiortorlu

Orifarm Generics A/S

Energivej 15

5260 Odense S

Danmark

info@orifarm.com

Nakorsaat nunanit EEA-imi ilaasortaasunit -aqqit uku atorlugit akuerineqarpoq:

Danmark Klarigen

Sverige Klarimax

Norge Xylofin

Paasissutissiissut kingullermik nutarterneqarpoq 1/2016